



Kultureqarnermut, Ilinniartitaanermut, Ilisimatusarnermut Ilageeqarnermullu  
Ataatsimiititaliaq

## UPA 2026/150 pillugu ataatsimiititaliap suliarinninneranut atatillugu allakkatigut apeqqutinik akissuteqarneq

11-06-2026  
Suliap nr. 2026 - 1568  
Akt nr. 26565875

Postboks 1029  
3900 Nuuk

Oqa.: +299 34 50 00  
Email: iktin@nanoq.gl  
www.nanoq.gl

UPA2026/150 pillugu ataatsimiititaliap suliarinninneranut atatillugu apeqqutinut nassiunneqartunut qujavunga. Ataani akissuteqassaanga. Apeqqutip 4 -, 6 - aamma 7- ip akiniarneranut Attaveqaasersuutitut, Ineqarnermut, Isorliunerusunut Upalungaarsimanermullu Naalakkersuisoqarfik akissuteqarnermi ilanngussaqaarsimammat ilisimatitsissutigissavara.

### Apeqqut 1: Nuummi Imarsiornermut Ilinniarfimmi illutigut atugassarititaasut pillugit Naalakkersuisut nassuiaateqarsinnaappat, tassunga ilanngullugit: a. Ilinniarneq pillugu siunertanut illunik ininillu attartornerup oqaluttuassartaa,

#### Akissut 1 a:

Taamani siulersuisuusut ilinniarfimmilu aqutsisut 2013-imi Imarsiornermik Ilinniarfiup (matuma kingorna II-mik taaneqartoq) Paamiunit Nuummut nuunneqarnissaa aalajangerpaa, nalilerneqarmat ilinniarfiup sammisaanut tunngatillugu Nuuk pitsaanerpaatut inissisimammat uku isumaliutigalugit:

- Nunatsinni imarsiornermik suliffeqarfiit, umiarsuaateqarfiit aamma allat suleqatigineqartartut amerlanersaat Nuummi qullersaqarfeqarput. Nuuttoqarneratigut suliffeqarfinnik suleqateqarluarnissaq periarfissaqarluarnerulissaaq.
- Paamiuni ilinniarfimmi naammattunik piginnaasaqarluartunillu ilinniartitsisunik pilerisutsisilernissaq atorfinitsitsinissarluk iluatsissimangilaq.

Paamiuni ilinniartitsiviusunit II nuukkami, qanga meeqqat atuarfigisimasaanni Qorsussuarmi ininut nuuppoq, 2017-imi annertuumik oqoqarnera pissutigalugu Qorsussuaq matuneqarmat anisariaqaarsimallutik.

Matusinerup kinguneratigut imarsiornermik ilinniakkanut pikkorissaanernullu ininik naleqquttunik Namminersortutik Oqartussat Nuummi namminerisamik inaataateqanngillat. Taamaattumik Ilinniarfik namminersortunit ininik attartortitsisartunit attartortariaqalerpoq.

2017-imit ulloq manna tikillugu Nuummi II ukunani attartornikuuvoq, kingulliuorlu december 2019-imi maannakkut Nuummi Issortarfimmut 5-imi maannakkut adresserisaaq.

Siunertaq	Adresse	Attartortitsisoq	piffissaq
Allaffissorneq	Issittumi Sakkutooqarfik	Issittumi Sakkutooqarfik	Oktober 2017- marts 2018
Ilinniartitsineq allaffissornerlu	Issortarfimmut 1	Greenland Holding a/s	November 2017- maj 2020
Allaffissorneq	Pukuffik 1D	OS Electronic	Marts 2018-april 2020
Ilinniartitsineq allaffissornerlu	Issortarfimmut 5	TK Group aamma maannakkut Modulo	December 2019- maannakkumut

Init attartorneqartut naammangikkaangata 2017-imit ulloq manna tikillugu Ilinniartitsineq pikkorissartitsinerlutik immikkoortortaqarfia pikkorissanerlu pisariaqartitsineq naapertorlugu Nuummi ininik assigiinngitsunik attartortarpoq.

**b. Ilinniartitsineq suli nammineq illuuteqannginneranut atortorissaarutinillu piguaannagassanik peqannginneranut suut peqqutaanersut.**

**Akissut 1 B:**

Qorsussuarmi Ilinniartitsineq inuit atugai matuneqarmata II-p ataavartumik ilinniartitsineq pillugu sivisunerusumik oqaloqatigiinnerit aallartippat, taamanilu siulersuisuusut isummerfissamat tunngavissioqqullugit qinnuigineqarput, tassanilu pisariaqartitsineq, takorluukkat kissaatillu allaatigineqassallutik.

2023-mi taamani siulersuisuusut pisariaqartitsinerlutik misissueqqissaarneq saqqummiuppaat, tassani allaatigineqarlutik Ilinniartitsineq siunissami ininik pisariaqartitsinera, kingornatigullu isumassarsiorfissaq siulleq suliaraat "Imarsiornermik Ilinniartitsineq", taannalu suliareqqinneqareernermit Naalakkersuisunut nassiunneqartussanngorlugu Ilinniartitsineq siunissaa pillugu aalajangiinernermit tunngavissiamut ilanngunneqassalluni.

2024-mi inuussutissarsiutinik ilinniartitsineq pillugu inatsit nutaaq (inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaat nr. 31 4. juuni 2024-meersoq) akuersissutigineqarpoq, taannalu inuussutissarsiutinik ilinniartitsinermit aqutsinermit annertuumik allanngortitsinermit kinguneqarpoq. Qitiusumik Ilinniartitsineq immikkut tamarmik siulersuisoqarunnaarlutik taamaallaat forstandereqalerput, taannalu Naalakkersuisut naalakkersuisoqarfiata ataaniilerluni.

Siunnersuutit Inatsisartut suliarineqarnerata siornatigut siulersuisut suliaq ingerlatinngilaat, 1. januar 2025-milu inuussutissarsiutinik ilinniartitsineq pillugu inatsisip nutaap atulernissaata tungaanut siulersuisut atorunnarnissaata tungaanut 2024-mi taamaallaat ataasiarlutik ataatsimiippat.

Aamma Namminersorlutik Oqartussat iluanni ukiuni kingullerlu sipaarteqarniarnerit kingunerisaannik ilinniartitaanermi sanaartugassanut annertuunut aningaasanik immikkoortitsisoqarnikuunngilaq. Taamaasilluni aamma Saviminilerinermit Ilinniartitsineq nutaamut aamma UPPIK-mut aningaasaliinissat utaqqiimaarneqarput.

**c. Nuummi Paamiunilu Imarsiornermut Ilinniarfinnut illuutitigut siunissami sinaakkusiinissamat Naalackersuisut pilersaaruteqarnerisut?**

**Akissut 1C:**

Imarsiornermik Ilinniarfimmit init attartugassaqqissut pigineqarsinnaasullu pillugit Naalackersuisut maannakkut ujaasipput.

§ 37 naapertorlugu apeqqut nr. 20/2026-mut akissuteqarnermi akissutigineqartut Imarsiornermik Ilinniarfik Nuummiittumi Issortarfik 5-imiippoq. 1. januar 2027-p tungaanut attartornermut isumaqatigiissut taamaatinneqarsinnaanngilaq, taassumali kingorna ukiup naanissaata tungaanut qaammatinik arfinilinnik sioqqutsilluni nalunaaruteqarnikkut isumaqatigiissut taamaatinneqarsinnaanngussalluni. 2025-mi ukiakkut illumik attartukkamik piginnittunit 1. Januar 2027-miit attartornerup unitsinnissaa nalunaarutigineqarpoq. Tamanna isumaqarpoq attartorunnaarnissamat sioqqutsilluni nalunaaruteqarnek naapertorlugu ilinniarfik attartukkamit 31.12. 2027-mi anissussaassasoq.

Inissaaleqineq ininullu attartornermi akiliutit annertusiarortillugit Nuummi ininik attartortarnerup ineriartornera eqqarsaatigalugu illutatigut sinaakkutigisanik ilinniarfimmut pisariaqartitsineq aallaavigalugu tulluurtunik sanaanik nammineq peqarnissaq naleqqunnerpaassasoq Naalackersuisut naliliipput – aamma ilinniakkanik pikkorissartitsinernillu inerisaaneq pilersitsinerlu kiisalu nunatsinni imarsiornermi ilinniakkanik pikkorissartitsinernillu tamanik eqiterinissaq eqqarsaatigalugit.

Paamiuni illuutit eqqarsaatigalugit aalisanernek pillugu ilinniakkat nutarternerani ineriartortinneqarneranilu init pineqartut atorneqarsinnaanersut Naalackersuisut misissuileruttorput.

**2. Suna tunngaviua Naalackersuisut suli inissianik illuutinillu attartornissamat suliniuteqarnerannut, tak. Immikkoortoq 3 § 37 tunngavigalugu apeqquteqaammut akissut nr. 20-2026?**

**Akissut:**

Sisimiuni nutaamik Saviminilerinermik Ilinniarfiliortussaaneq annertuunik aningaasartuutaasussaq eqqarsaatigalugu Nuummi Imarsiornermik Ilinniarfimmut illutassanik nutaanik Namminersorlutik Oqartussat pigisassaannik nutaalianik ullutsinnullu naleqquttunik ukiuni qaninnerni sanaartortoqarsinnaanera Naalackersuisut naatsorsuutiginnigilaat. Taamaakkaluartorli Nuummi Imarsiornermik Ilinniarfimmut illutassanik nutaalianik ullutsinnullu naleqquttunik pilersitsisoqarsinnaanera Naalackersuisut suli sulissutigissavaat.

**3. Attartornissamat isumaqatigiissutini massakkut atuuttuni kikkut aningaasatigut iluanaaruteqartarpat?**

**Akissut:**

Ininik attartorluni isumaqatigiissuteqarnermi attartortitsisumut attartortumullu aningaasarsiornikkut iluaqutissaqarsinnaavoq, kisiannili tamanna assigiinngitsutigut pinsinnaavoq. Isumaqatigiissutip ilusilerneqarnera aamma illuatungeriit pisariaqartitaat apeqqutaatillugit sorliup annertunerusumik iluaqutissaqarneranut tunngaviusarput.

Tassaasinnaallutik

- Niuernermi pissutsit (immikkoortumi attartornermut akiliut qaffasinnersoq appasinnerlorluunniit)
- Isumaqatigiissutip sivilissusia piumasaqaatillu
- Aserfallatsaaliuineq kikkunnit isumagineqassanersoq
- Attartortut naleqqussaasinnaanermut pisariaqartitsinerat
- Attartortitsisut aningaasaliinissamut periarfissaqarnerat

Periarfissat niuernermi annikitsillugit pisariaqartitsinerlu annertugaangat attartortitsisoq iluaqutissaqarnerusarpoq. Periarfissaqarluartumi niuernermi attartortup pisariaqartitani isumaqatigiissuteqarnermut ilanngussinnaanerusarpai.

**a. Attartornermut massakut akigitat tuniniaanermi akit qaffasissusaannut pisortanilu aningaasartuutitut sanilliullugit naleqquttut Naalackersuisunit nalilerneqarpat??**

**Akissut:**

Nunatsinni attartornermi qaffasissutsit pillugit pisortanit kisitsisitigut naatsorsueqqissaarnerit maannakut pigineqanngillat. Naatsorsueqqissaartarfimmili sanaartornermi aningaasartuutitut takussutissiat takutippaat sanaartornermi aningaasartuutit qaffakkiartornerisigut sanaartukkat akisuujusut aamma sanaartornermi aningaasat nalikilliarnerat. Attartortitsisut sanaartornermi aningaasartuutitik matussuserniarlugit attartornermi akit qaffattarpaat.

Nunatsinni innuttaasut isertitaannut naleqqiullugit attartornermi akit qaffasipput, sanaartornermilu akinit qaffakkiartortunit aamma tatineqaramik sanaartornissaq illunillu aserfallatsaaliuinissaq ajornartorsiortinneqarpoq. Attartortitsisunut akit aningaasaqarnikkut naammaginariumiissinnaapput, attartortunulli pisortanullu aammalu inooqataanikkut politikikkullu tamatuma unammillernarsinnaaneranik kinguneqarsinnaavoq.

**b. Imarsiornermut linniarfimmu illuutitik ininillu attartornermut akigitinneqartut kikkunnit aalajangersarneqartarpat?**

**Akissut:**

Attartortitsisut attartortullu akornanni attartorneq pillugu isumaqatigiittoqarpoq, tassanilu illuatungeriit attartornermi sinaakkutaasut, akit ilanngullugit, isumaqatigiissuteqarput.

**4. Kalaallit Nunaanni sanaartornermi aningaasartuutit qaffasinnerinut suut peqqutaanerpaanersut qanoq Naalackersuisunit nalilerneqarpat?**

**Akissut:**

Nunat tamalaat akornanni pissutsinit najukkanilu pissutsinik sanaartornermi aningaasartuutit nunatsinni assigiinngitsutigut sunnerneqartarput. Nunat tamalaat akornanni pissutsinit nunarput toqqaannartumik sunnerneqartarpoq, soorlu ajornartorsiornernit, sanaartornermi atortussat akitsoriartornerannit, nukissiutinit, assartuinernit aamma pilersuisunit assigiinngitsunit. Taamatullu nunatta sananeqaataanit, assartuinernit silallu pissusianit. Atortussat atortullu ungasissumit

assartorneqartarmata umiarsualivinni atortorissaarutinit, silamit, sanaartorfiguminarsaanermit kiisalu atortunik sulisussanillu pissaqarnermit sunnerneqartarput. Inoqarfinni minnerni sulisut inissaqartinnissaat utaqqiisaasumillu inissaannik nutaanik sananissaq pisariaqarsinnaavoq.

Nunatsinni sanaartortitsineq aamma annertunngilaq, annertuunilu sanaartornermisut pisariillisaasoqaranilu unammilleqatigiittoqanngilaq. Aamma piginnaasaqarfiit ilaanni ilinniarsimasunik sulisussanik amigaateqartoqarsinnaavoq, tamatumalu akit sanaartugassallu piareersaasiorneqarsimasut naammassiniarnissaat sunnersinnaasarpaat.

Naggataatigullu issittumi silaannaap immikkut ittup sanaartukkat suliarineqarnerat pitsaassusaalu sunnertarpei. Silaannaap pissusianik sunnerneqarsinnaajunnaarlugit sanaartukkat ilusilerneqassapput, taassumalu malitsigisaanik sivisuumik atuuffeqaqqullugit ingerlanneqarnerat aserfallatsaaliornerrallu akikitsuuniartussaallutik. Tamannalu atortussanut, sananeqarnerannut teknikkikkullu aaqqiinernut immikkut ittumik piumasagaasersuisarpoq.

Taamaattumik nunap immikkut sananeqaataanit, assartuinermit silaannaallu pissusianit aamma nunat tamalaat akornanni niuernerni akiinit sanaartukkat sunnerneqartartut Naalakkersuisut nalilerpaat.

## **5. Nuummi ukiuni kingullerni ineqarnermut ininillu attartornermut akit qaffakkaluttuinernerinut suut peqquitasut Naalakkersuisunit nalilerneqarpa?**

### **Akissut:**

Ilusiliinikkut, aningaasaqarnikkut inuiaqatigiillu katitigaanerannik pissuteqartumik ukiuni kingullerni Nuummi illunik ininillu attartornermi akit qaffakkiartorput. Inissiatigut inuussutissarsiutigullu nunatsinni ullumikkut Nuuk ilungersornerpaajuvoq, 2025-p missaanili ineriartorneq taamaalluni.

Pissutsit uku sunnerneqarnerpaatut nalilerneqarput

1. **Annertuumik piumaneqarneq** (inuit amerliartornerat aamma Nuummut suliffinnik suliffeqarfinnillu nuussuinerit)
2. **Annikitsunik neqerooruteqarneq** (sanaartukkat annikinnerat, illuutit pisoqqat iluarsagassanngorsimasullu amerlassusiat sanaartorfissallu ikittuinnaanerat)
3. **Sanaartornermi akit qaffasinnerat** (tak. imm. 4)
4. **Ingerlatsinermi akit qaffakkiartornerat** (aningaasat naleerukkiartornerat, nukissiuutit, aserfallatsaaliineq)
5. **Annikitsumik unammilleqatigiittoqarnera** sanaartortitsisuni inissiaateqarfinnulu

Ataasiinnarmik pissuteqarani assigiinngitsut pissutsit imminnut sunneqatigiinnerannik pissuteqarpoq, taamaalillunilu Nuuk najugaqarfigissallugu suliffimmillu ingerlatsivigissallugu akisunerpaajuvoq.

## **6. Nutaaliorluni illulioriaatsit aaqqiissutissallu atorlugit illuutininik akikinnerusunik, attartuunik ullutsinnullu naleqqunnerusunik sanasoqartannginneranut suna peqquitaava?**

**Akissut:**

Nutaaliorluni sanaartortitseriaatsit aamma allatut aaqqiinerit atorlugit attartuunik ullutsinnullu naleqquttunik sanaartornissaq pisinnaangitsoq Naalakkersuisut isumaqatiginngilaat. Aaqqiissutinik nutaanik nutaaliorneq, assigiissaaneq inerisaanerlu siunertaralugu pitsaassutsip, sanaartornerup sunniuteqarnerunissaanik sanaartukkallu isumannaatsuunissaannik pitsanngorsaanaissaq anguniarlugu nunatsinni pissutsinut naleqqussaaneq ingerlaavartuuvog.

Aaqqiinerit nutaat naliliiffigineqarneranni sanaartornermi aningaasartuutit kisiisa ukkanneqarneq ajorput. Sanaartornermi akit appartinneqarsinnaasarput ilaatigut pitsaassutsimik imaluunniit qajannaassutsimik appartitsinikkut, tamannali sanaartukkap sivikitsumik atuunnissaanik qaffasinnerusumillu ingerlatsinermut aningaasartuuteqarnermik, aserfallatsaaliinermik iluarsaanermillu kinguneqarsinnaavoq.

Aaqqiinerit pitsaassutsimik, attartussutsimik, ukiunik atuuffiusunik tamanullu aningaasartuutit tamarmik pingaarnertut ilaatinneqarnissaat Naalakkersuisut pingaartippat.

Taamaattumik akikinnerpaanik sanaartornissaq tamatigut anguniarneqanngilaq, qaffasissumillu pitsaassuseqarneq najukkanut naleqqussagaq sanaartukkallu attartussuseqarneranut naleqarnerpaaq qulakkeerniarneqarpoq. Aamma najukkami suliaasaqarnermut, piginnaanngorsaanerumut nunatsinnilu saartortitsinermut sunniuteqarluartumik sanaartugassanut aningaasaliinerup kinguneqarnissaa pingaartinneqarpoq.

**7. Nuna tamakkerlugu ilinniarfiit illutassaanik akikinnerusunik, attartunerusunik ullutsinnullu naleqqunnerusunik sanaartortoqarnissaanut iluaqutaasinnaasunik siunissaq ungasinnerusooq eqqarsaatigalugu piginnaasanillu annertusaanissaq eqqarsaatigalugu Naalakkersuisut qanoq pilersaaruteqarpat?****Akissut:**

Sanaartortitsinermi naammassisaqarsinnaanerup piginnaasaqarnerullu nukittorsarneqarnissaannik Naalakkersuisut ingerlaavartumik suliaqarput. Pisortat sanaartugaanni pilersaarusiugaannilu lærlinginik, sungiusarluni suliffinnik aamma ilinniarfissanik tapersersuinissaq kiisalu najukkami peqataatitsinissaq, suliffissaqarnissaq piginnaanngorsaanaissarlugu taamaattumik suliniutit ilagaat. Sanaartukkat sanaartukkanik nutaanik taamaallaat takussutissaqarnissaat siunertarineqarani, najukkamili sanaartornermik inuussutissarsiutinut sulisunullu sunniuteqarnissaat qulakkeerniarneqarpoq.

Najukkami pissutsinut pisariaqartitanullu naleqqussaaneq qajannaassuseqartunillu ullutsinnut naleqquttunik ilinniarfeqarnissamik qulakkeerninninnissaq anguniarneqarpoq. Piginnaanngorsaaneq, nutaaliorneq, ilinniarfinnik sanaartortitsisunillu suliffeqarfinnik suleqateqarnissamik tamanna pisariaqartitsivoq kiisalu immikkoortumi pisortat ungasinnerusumut pilersaarusiortarnissaannik piumasaqarluni.

**8. Nunarput tamaat eqqarsaatigalugu ilinniarfiit illutai pillugit Naalakkersuisut ataatsimoorussamik pilersaaruteqarpat, ilaatigut ukununnga tunngassutilinnik:  
a. iluarsartuussineq,  
b. aserfallatsaaliineq,**

**c. nutaanik sanaartorneq, kiisalu**

**d. suliniutit allat?**

**Akissut:**

Tamanut ataatsimoorussamik pilersaaruteqanngilaq, kisiannili pilersaarusiornermi tunngavissamik peqarmat taanna imaappoq:

1. Atortulersuinermit pilersaarut (nunamut tamarmut sinaakktissaq)
2. Atuarfinnut suliffeqarfinnullu kommunini pilersaarutit
3. Immikkoortumut pilersaarutit sanaartukkat aserfallannerannut iluarsarneqarnissaannullu
4. Ilinniartitsinermit periusissiaq

Taakku tamarmik nunatsinni ilinniarfiliornermi sulianut tunngaviliisarput.

Ilinniarfiliornermi immikkoortortami ataatsimut pilersaarusiornissaq Naalackersuisut ungasinngitsukkut aallartippat, qulaanilu immikkoortut ilaatinneqassapput.

**9. Nuna tamakkerlugu ilinniarfiit illutaasa qanoq innerinik takussutissamik tamakkiisumik Naalackersuisut peqarpat?**

**Akissut:**

Ilinniarfiit tamarmik aserfallannerannut takussutissiaq 2016-imi Naalackersuisut suliaaraat. Illutat qanoq innerannik nalunaarsuinermit programmi inerisarlugu maannakktut suliarineqarpoq kinguartoorfiullunili. Taamaattumik ilinniarfiit aserfallassimani nutaamik nalunaarsorniarlugit Naalackersuisut programmi utaqqivaat.

Inussiarnersumik inuulluaqqusillunga

Nivi Olsen